

E union pidí y anhelá dor di difunto Betico Croes no a ser lográ

ORANJESTAD - Diahuebs último diferente organizacion a recordá e hecho cu 7 aña pasá e lider Betico Croes, a bai laga su

pueblo. E ocasion aki manera tur aña a ser celebrá cu ponemento di krans y misa na memoria di e gran político aki.

Pero lamentablemente ta lubidá cu e persona aki tabata un persona di pueblo. Pero tambe cu e persona aki tabatin un famia. No ta husto pa coge e imágen di Betico, haci e imágen di MEP so. Na momento cu ta recordá un jiu di tera asina grandi, tur hende mester uni apesar di diferencianan di opinion cu

por existí.

Tin biaha, sigur esnan cu ta worde criticá, no ta gusta pa nan haya critica. Pero mirando tur loke a sosodé ayera, caminda cu e jiu homber di e difunto lider mes a worde halá un banda, no tin mas cos cu tene lástima di e tipo di políticonan cu nos tin cu no

ta madurá ainda. Lubidá pasado riba un dia tan special asina.

Loke mester haci ta percurá pa e hobennan cu ta bai skol haya sa mas di historia di Aruba y lucha di e persona aki pa logra e Status Aparte. Y esey por ser lográ conhuntamente. □



Riba e foto na banda por mira e estatua di Betico Croes na unda Diahuebs tabatin un ceremonia chiquito cu ponemento di krans. Tambe por mira e grupo grandi di persona cu a duna acto di presencia na e ocasion aki pa musta e aprecio cu nan tabatin pa e lider.